

Ngā pārongo mā ngā Kaitono

He kaunihera ā-rohe a Te Pane Matua Taiao, ā, ko tana haepapa nui, he tiaki i tō tātou taiao me te āta whai whakaaro anō hoki ki ngā matea pāpori, ahurea, ā, tae atu hoki ki te ohanga a ō tātou hapori. Mā mātou tonu te haepapa nui ki ngā momo mahi whānui, tae atu ki:

- te whakahaere taiao
- waka tūmatanui
- te whakamaru waipuke
- te whakahaere ohotata

Ko tā ngā pōtitanga kāwanatanga ā-Rohe 2022, he arawātea māu kia tū hei kaitono, ā, mehemea ka pōtitia, me whai wāhi mai āu kōrero ki te āhuatanga o tā Te Pane Matua Taiao kawē i āna haepapatanga.

Ka tuwhera ngā tautapa ā te Rāmere, te 15 o Hōngongoi 2022, ā, ka kati hei te rānui o te Rāmere, te 12 o Hereturikōkā 2022.

He pūrongo takamua i te pōti

He nui noa atu ngā panonitanga me ngā arawātea mō Te Pane Matua Taiao hei ngā tau e toru e whai ake nei – ko tā ngā pōti ā-rohe, he momo tūponotanga mā te hapori ki te āta waihanga i tērā panonitanga.

Hei ia pōtitanga, ka whakaputaina e te Tumu Whakahaere tētahi pūrongo takamua i te pōtitanga, ko tāna mahi he whakaputa i ngā kōrero mō ngā wāhanga nui o te arawāteatanga me te panonitanga, ka mutu, he akiaki anō hoki i ngā tangata ki te whakaputa i ā rātou reo me ō rātou whakaaro ki ēnei take, mā te pōti, mā te tū rānei hei kanohi mō te Kaunihera.

E whā ngā wāhanga nui o te arawāteatanga me te panonitanga i āta tautohua e te Pūrongo Takamua i te Pōti 2022, mō Te Pane Matua Taiao, arā, ko:

- te whai painga mō tō tātou taiao
- me pēhea tātou e mahi tahi ai me te Mana Whenua
- ngā mahi mō te āhuarangi hurihuri
- te whakataurite i te utu ki ngā hiahia ā ngā hapori

[Te ripoata tōmua i te pōtitanga 2022 | Pre-election Report 2022](#)

I tua atu i te pūrongo pāhekoheko takamua i te pōti, kua waihangatia mai hoki e mātou tētahi putanga PDF e taea ai te tuhinga te tā.

[Pre-election report - printable](#)

Ngā tono ā-pārongo

I raro i te Local Government Official Information and Meetings Act 1987 (LGOIMA) ka taea e te tangata ngā kōrero te tono mai i te Kaunihera. Ko ngā tono pārongo katoa, he tono i raro i te LGOIMA. Kāore he take māu te whāki atu e tuku tono ana koe i raro i te LGOIMA.

Ngā pārongo e tukuna wawetia ana

He mea whakatairanga e Te Pane Matua Taiao te mana whakahaere pai me te whakatenatena anō hoki i te pūataatanga i roto i ngā whakataunga mā te whakawātea i ngā kōrero ki te hapori. Ka whai wāhi atu te tukunga atu o ngā urupare ki ngā tono LGOIMA, ā, kei reira katoa ngā kōrero mō te iwi whānui.

Ko ngā urupare katoa ki ngā tono ā te hunga tūmatanui e hiahia ana ki te whai wāhi atu hei kaitono, ki ngā kaitono kua tautapahia rānei, ka tukuna wawetia mā te tānga o te ingoa kaitono, ā, ka hunaia hoki āna pārongo whaiaro.

[View LGOIMA responses to candidate information requests](#)

Me pēhea te whai wāhi atu hei Kaitono

Ko wai e tika ana hei kaitono

E mana ai tō tūranga hei kaitono pōti, me whai kia:

- kirirarau koe nō Aotearoa
- pakeke ake koe i te 18 tau
- rēhita koe ki te rārangi pōti.

Ehara i te mea me whai koe i ētahi tohu ahurei - ka pōtitia ngā mema mai i ngā āhuetanga katoa, ko te Kaunihera te māngai mō ngā hapori o Te Upoko-o-te-Ika-a-Māui.

E whai hua ai me kawe mai e koe he huinga pūkenga ki te tūranga:

- ngā tikanga whakatau me te whakaaroaro ā-rautaki
- te whakawhitiwhiti me te whakapāpātanga ā-hapori
- te whakapakari hononga me te mahi tahi
- te māramatanga ki Te Tiriti o Waitangi
- te āheinga ki te whakamahi i te mātau hangarau

Me pēhea te whai wāhi atu hei kaitono

Hei wāhanga o te tukanga tautapanga me:

- whakakī i te puka tautapanga
- tuku mā tētahi tokorua koe e tautapa – me mātua pakeke ake i te 18, waihoki, me rēhita ki te wāhi e hiahia nei koe kia whai wāhi atu hei kaitono
- utu he kuhunga tautapanga o te \$200 – mā te nui o ngā pōti e whakatau mehemea ka whakahokia atu he pūtea
- tuku atu tētahi whakaahua me tētahi tauāki whaiaro kaitono

Ngā waeture mō te whakatairanga

Arā ētahi waeture e hāngai ana ki te whakatairanga, tae atu ki:

- te rahinga e taea ana te whakapau
- te tuhinga me te whakahoki i ngā takoha
- ka pēhea, ko hea, ā, mō āhea whakaatuhia ai ngā tohu

Mō ngā taipitopito katoa, tēnā, tirohia te pukapuka aratohu a te kaitono, te Local Electoral Act 2001, whakapā atu rānei ki te Āpiha Pōti o Te Pane Matua Taiao.

He Kete Pārongo mā ngā Kaitono

Te pukapuka aratohu kaitono ā Te Pane Matua Taiao – E wātea mai ana te *Pukapuka Aratohu Kaitono Pōti* i tēnei wā tonu.

[GWRC LGE2022 Pukapuka Aratohu Kaitono Pōti Candidate Handbook](#)

E wātea ana hoki ngā puka e whai ake nei:

[Candidate Nomination Form](#)

[Return of Electoral Donations and Expenses](#)

[Letter of Appointment of Scrutineer](#)

Kia mōhio noa mai, ko te puka tautapanga rā i whakairia ki te paetukutuku a Te Pane Matua Taiao tae noa ki te 8.45 am i te Rāhina, te 11 o Hōngongoi 2022, i hē katoa ngā kōrero mō te pūtea pēke o Te Pane Matua Taiao. Heoi anō, kua tika mai ngā kōrero i te puka e wātea mai ana i tēnei wā tonu.

Kāore e whakaaetia ana te tautapa kaitono mehemea ka oti rawa, ā, ka tuku rawa te Puka Tautapanga Kaitono i waho atu i te wā tautapanga kaitono. Ka tīmata te wā tautapa kaitono ā te Rāmere, te 15 o Hōngongoi 2022, ā, ka mutu hei te pouputanga o te Rāmere, te 12 o Hereturikōkā 2022.

Mō te roanga atu o ngā kōrero, tēnā, whakapā atu ki tā mātou tīma pōti, ki

elections@gw.govt.nz

Rauemi ā-rāngai

Kua tukuna e te rāngai kāwanatanga ā-rohe ētahi rauemi mō ngā kaitono me ngā kaipōti i mua i te pōti 2022:

[Taituarā - Lifting Māori participation in local government](#)

[Vote Local - Information for Candidates](#)

Ngā Rohe Pōti

Tekau mā toru ngā kaikaunihera kua pōtihia mai i ngā rohe pōti e whai ake nei:

Rohe pōti	Tokohia ngā mema
Pōneke/Wellington	5
Te Awa Kairangi ki Tai/Lower Hutt	3
Porirua-Tawa	2
Kāpiti Coast	1
Te Awa Kairangi ki Uta/Upper Hutt	1
Wairarapa	1

Ko te nuinga o ngā rohe pōti he mea tohu i runga tonu i ngā rohenga takiwā o ngā kaunihera nō roto mai o Te Upoko-o-te-Ika-a-Māui.

Ko ngā rohe o South Wairarapa, ngā kaunihera ā-rohe o Taratahi me Whakaoriori, tae atu anō ki tētahi wāhanga iti o te Tararua District Council, ngā rohe pōti o Wairarapa.

Ko te Kaunihera o Porirua me te Rūnanga Hapori o Tawa, arā, he wāhi o te Kaunihera o Pōneke, ngā rohe pōti o Porirua-Tawa.

Ko te rohe o te Kaunihera o Pōneke, hāunga te rohe o te Rūnanga Hapori o Tawa, ngā rohe pōti o Pōneke.

Rārangi Wā

Ngā rā 2022	Ngā Herenga	Te Ture
2 o Poutūterangi tae atu ki te 30 o Paengawhāwhā	Kua tukuna ngā puka whakaū rēhita ki te kaiutu reiti	Aho 16 LER
2 o Poutūterangi tae atu ki te 6 o Hōngongoi	Te whakaritetanga mai o te rārangi kaiutu reiti	Aho 10 LER

Haratua	Te Whakatairanga i ngā tohu me nga tikanga whakahaere mō te hunga kaiutu reiti ā-motu	Wāhanga 39 LEA
1 o Hōngongoi	Ka tīmata te whakatairanga whakaurunga hou a Te Kaitiaki Take Kōwhiri	
Me kaua e neke atu i te 15 o Hōngongoi	Te pānui tūmatanui o te pōti, e karangahia ana ngā tautapanga, ā, me te whakamōhiotia atu hei āhea tuwhera ai ngā rārangi ingoa mō te aroturuki	Ngā wāhanga 42, 52, me 53 LEA
15 o Hōngongoi	E tuwhera ana ngā tautapanga/e tuwhera ana ngā rārangi ingoa hei tiro tiro	Wāhanga 42 LEA
12 o Hereturikōkā	Ka kati ngā tautapanga ā te rānui (12)/ka kati ngā rārangi ingoa	Wāhanga 5, 42, me 55 LEA Aho 21 LER
(Kei te takiwā) 17 o Hereturikōkā	Te pānui tūmatanui mō te rā o te pōtitanga me ngā ingoa o ngā kaitono	Wāhanga 65 LEA
Me kaua e neke atu i te 12 o Mahuru	Ka whakamanahia te rārangi ingoa tūturu e te Āpiha Pōtitanga	Wāhanga 51 LEA Aho 22 LER
16 o Mahuru	Ka tukuna tētahi reta e Te Kaitiaki Take Kōwhiri ki ngā kaipōti rārangi ingoa huna	
16 o Mahuru tae atu ki te 8 o Whiringa ā-nuku	Te tukunga o ngā puka pōti	Aho 51 LER
	Te aroturukitanga i te rārangi ingoa	Wāhanga 83 LEA
	Te wā pōti motuhake	Wāhanga 5 LEA Aho 35 LER

	Te tukatuka wawe	Wāhanga 80 LEA
Me kaua e neke atu i te rānui (12), ā te Rāmere, te 7 o Whiringa-ā-nuku	Te kopounga o ngā kanohi hōmiromiro	Wāhanga 68 LEA
8 o Whiringa ā-nuku	Te rā pōti	Wāhanga 10 LEA
	Ka kati ngā pōtitanga ā te rānui (12), ā, ka tīmata te mahi kaute	Wāhanga 84, LEA
	Ka wātea ngā hua o te kautetanga tuatahi i te wā tonu e taea ana i muri i te katinga o te pōti	Wāhanga 85 LEA Aho 80A LER
8 tae atu ki te 13 o Whiringa-ā-nuku	Te kaute tūturu	Wāhanga 84 LEA
13 tae atu ki te 19 o Whiringa-ā-nuku, i te wā tonu e taea ana	Te tauākī, te pānui tūmanatanui rānei o ngā hua	Wāhanga 86 LEA
Hei te puku o Hakihea (kei te āhua o te rā e pānui whānuitia ai ngā hua)	Te whakahokinga mai e ngā mema pōti i ngā puka whakapaunga pūtea mō te pōtitanga me ngā takoha	Wāhanga 112A LEA

LEA = Local Elections Act 2001

LER = Local Elections Regulations 2001

He hōtaka tūtohu pōti taumuri

This information will change – [please see the website.](#)

Ngā pānui tūmatanui

This information will change – [please see the website.](#)